

## Communicaziun a las medias

### Premiera da film a Ftan: Dr. à Porta – In ritgun da bun cor

Cuira, ils 11-01-2016 - Radiotelevisiun Svizra Rumantscha (RTR) envida a la premiera dal film: *Dr. à Porta – In ritgun da bun cor*, in film da Bertilla Giossi. Il film raquinta l'istorgia da dr. Stephan à Porta, impressari, speculant e benefactor. La premiera ha lieu mesemna, ils 13 da schaner 2016, a las 20:00 en la chasa da scola a Ftan.



Dr. Stephan à Porta

Tge han immobiglias amez la citad da Turitg da far cun ils cudeschs da scola da Ftan? E pertge profitescha il fugitiv Ali Azad da Cuira dad ina fundaziun turitgaisa? La raschun da quests lioms insolits è dr. Stephan à Porta, in à Porta cun ragischs a Ftan, mort avant 70 onns.

L'emprima mesadad dal 20avel tschientaner erigia Stephan à Porta a Turitg ina chasa sunter l'autra. La fin finala ha ses imperi varga 170 edificis. Ina facultad enorma – però ina facultad che à Porta na surlascha betg a ses ertavel. Ord dad ina raschun surpudenta, surdat el si'ovra a la Fundaziun dr. Stephan à Porta. Quella ha oz 1323 abitaziuns, ina valita da 389 milliuns e fa in gudogn annual dad 1.4 milliuns. In quart da quest gudogn vegn onn per onn dabun al chantun Grischun, 5% van a Ftan. Il film raquinta l'istorgia dals raps che vegnan si da Turitg, l'istorgia da la pli gronda fundaziun privata d'util public da Turitg e l'istorgia da dr. Stephan à Porta, impressari, speculant e benefactor. L'occurrenza è publica, l'entrada è libra.

#### Infurmaziun supplementara:

Il film da l'emissiun "Cuntrasts" vegn mussà sco suonda:  
**dumengia, ils 17-01-2016, 17:25 sin SRF 1**

#### **Repetiziuns**

mesemna, 20-01-2016 a las 8:30, 9:30 e 12:50 sin SRF info  
gievga, 21-01-2016 a las 11:00 sin SRF info  
venderdi, 22-01-2016 a las 13:20 sin RSI la 2  
sonda, 23-01-2016 a las 17:10 sin SRF 1  
dumengia, 24-01-2016 a las 7:00 sin RTS 1  
dumengia, 24-01-2016 a las 7:30 sin RSI la 1

#### **Dapli infurmaziuns:**

RTR Radiotelevisiun Svizra Rumantscha  
David Truttmann, producent Cuntrasts  
tel. 081 255 75 75 | e-mail david.truttmann@rtr.ch